



Llywodraeth Cymru
Welsh Government

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/cyfrif-carafannau-sipsiwn-theithwyr-ionawr-2022.html> (<https://llyw.cymru/cyfrif-carafannau-sipsiwn-theithwyr-ionawr-2022.html>) i weld y fersiwn ddiweddaraf.

Gwybdaeth am [hawlfraint](https://llyw.cymru/datganiad-hawlfraint) (<https://llyw.cymru/datganiad-hawlfraint>).

YSTADEGAU

Cyfrif carafannau Sipsiwn a Theithwyr: Ionawr 2022

Nifer y carafannau Sipsiwn a Theithwyr ar safleoedd awdurdodedig, anawdurdodedig ac awdurdod lleol, Ionawr 2022.

Cyhoeddwyd gyntaf: 12 Mai 2022

Diweddarwyd ddiwethaf: 12 Mai 2022

Cynnwys

Pwyntiau allweddol (#section-97100)

Carafannau yn ôl p'un a awdurdodwyd y safleoedd ai peidio (#section-97102)

Lleiniau ar safleoedd awdurdodau lleol (#section-97104)

Gwybodaeth am ansawdd a methodoleg (#section-97106)

Manylion cyswllt (#section-97108)

Pwyntiau allweddol

Ar 20 Ionawr 2022, adroddwyd fod 1,065 o garafannau Sipsiwn a Theithwyr a 140 o safleoedd yng Nghymru.


Rhwng Ionawr 2021 a Ionawr 2022, mae cyfanswm nifer y carafannau Sipsiwn a Theithwyr wedi aros ar yr un lefel ac mae cyfanswm nifer y safleoedd (awdurdodedig ac anawdurdodedig) wedi cynyddu 0.7% (1 o safleoedd).

Carafannau yn ôl p'un a awdurdodwyd y safleoedd ai peidio

Adeg cyfrif Ionawr 2022, cyfanswm nifer y carafannau Sipsiwn a Theithwyr yng Nghymru oedd 1,065. Roedd 919 o garafannau ar safleoedd awdurdodedig â chaniatâd cynllunio, gan gyfrif am 86% o'r holl garafannau. O'r rhain, roedd 603 (66%) ar safleoedd rhent cymdeithasol a 316 (34%) ar safleoedd a ariennir yn breifat.

Mae Siart 1 isod yn dangos dadansoddiad o'r carafannau yn ôl statws awdurdodedig ac anawdurdodedig.

Siart 1: Carafannau Sipsiwn a Theithwyr yn ôl math o safle, Ionawr 2022



Ffynhonnell: Cyfrif Carafannau Cymru Gyfan (Llywodraeth Cymru)

Nodyn: Nid yw'r canrannau yn gwneud cyfanswm o 100% oherwydd talgrynnu.

Roedd 99 o garfannau ar safleoedd anawdurdodedig ar dir a oedd yn eiddo i Sipsiwn a Theithwyr, sy'n cyfrif am 9% o'r holl garfannau. Roedd 47 o garfannau eraill (4% o'r holl garfannau) ar safleoedd anawdurdodedig ar dir nad oedd yn eiddo i Sipsiwn a Theithwyr.


Caerdydd, Sir y Fflint, Sir Benfro a Chastell-nedd Port Talbot oedd â'r cyfanswm uchaf o garfannau; gyda'i gilydd roedd y rhain yn cyfrif am 52% o'r holl garfannau. Casnewydd oedd â'r nifer uchaf o garfannau ar safleoedd anawdurdodedig (36 o garfannau, yn cyfrif am 25% o'r holl garfannau ar

safleoedd anawdurdodedig).

Mewn rhai achosion, mae carafannau ar safleoedd anawdurdodedig ond mae'r awdurdod lleol wedi penderfynu peidio â cheisio cael gwared ar y gwerysll. Ym mis Ionawr 2022 roedd 93 o garafannau ar safleoedd anawdurdodedig a oddefir. Gwelwyd y nifer fwyaf o'r rhain ym Mro Morgannwg lle'r oedd 25 o garafannau ar safleoedd anawdurdodedig a oddefir. Roedd 53 o garafannau ar safleoedd anawdurdodedig nas goddefir.

Darperir tablau manwl ar lefel awdurdodau lleol yn y **tablau cysylltiedig** (<https://llyw.cymru/sites/default/files/statistics-and-research/2022-05/cyfrif-carafannau-sipsiwn-a-theithwyr-ionawr-2022-317.ods>). Cewch fwy o wybodaeth gefndirol ac am ansawdd yn yr **adran gwybodaeth am ansawdd a methodoleg** ([#section-97106](#)). Esbonnir termau sydd ag ystyr arbennig yn yr eirfa.

Siart 2: Carafannau Sipsiwn a Theithwyr yn ôl p'un a awdurdodwyd y safleoedd ai peidio, Ionawr 2018 hyd at Ionawr 2022 (a) (b)




Ffynonellau: Cyfrif Carafannau Sipsiwn a Theithwyr, Cyfrif Carafannau Cymru Gyfan (Llywodraeth Cymru)

(a) Oherwydd pandemig y Coronafeirws, ni chynhaliwyd cyfrifiad carafannau chwemisol Llywodraeth Cymru yng Nghymru ym mis Gorffennaf 2020.

(b) Ar gyfer mis Ionawr 2021 ymlaen, defnyddiwyd data ar-lein Cyfrif Carafannau Cymru Gyfan i gynhyrchu cyfrif o garafannau Sipsiwn a Theithwyr yng Nghymru. O'r herwydd, dylid cymryd gofal wrth fynd ati i ystyried tueddiadau dros amser. Gweler yr adroddiad Ansawdd Data am ragor o wybodaeth.

Siart 3: Safleoedd Sipsiwn a Theithwyr yn ôl p'un a awdurdodwyd y safleoedd ai peidio, Ionawr 2010 hyd at Ionawr 2022 (a) (b)



Ffynonellau: Cyfrif Carafannau Sipsiwn a Theithwyr, Cyfrif Carafannau Cymru Gyfan (Llywodraeth Cymru)
(a) Oherwydd pandemig y Coronafeirws, ni chynhaliwyd cyfrifiad carafannau chwemisol Llywodraeth Cymru yng Nghymru ym mis Gorffennaf 2020.
(b) Ar gyfer mis Ionawr 2021 ymlaen, defnyddiwyd data ar-lein Cyfrif Carafannau Cymru Gyfan i gynhyrchu cyfrif o garafannau Sipsiwn a Theithwyr yng Nghymru. O'r herwydd, dylid cymryd gofal wrth fynd ati i ystyried tueddiadau dros amser. Gweler yr adroddiad Ansawdd Data am ragor o

Lleiniau ar safleoedd awdurdodau lleol


Darparwyd 409 o leiniau ar safleoedd Sipsiwn a Theithwyr gan Awdurdodau Lleol yng Nghymru ar 20 Ionawr 2022. O'r rhain, roedd 407 yn lleiniau preswyl ac roedd 2 yn lleiniau tramwy.

Caerdydd, Sir Benfro a Chastell-nedd Port Talbot oedd â'r nifer uchaf o leiniau a

ddarparwyd gan awdurdodau lleol (80, 73 a 67 o leiniau'r un, yn y drefn honno) gan gyfrif am dros hanner cyfanswm nifer y lleiniau (54%). Adroddodd 8 awdurdod lleol nad oedd ganddynt unrhyw leiniau ar 20 Ionawr 2022. Ar adeg y cyfrif, roedd 98% o'r lleiniau preswyl wedi'u meddiannu.

Mae Siart 4 yn dangos dadansoddiad dros amser o nifer y lleiniau yng Nghymru.

Siart 4: Lleiniau ar safleoedd Sipsiwn a Theithwyr a ddarparwyd gan awdurdodau lleol (a) yn ôl statws tramwy / preswyl, Ionawr 2018 hyd at Ionawr 2022 (b) (c)



Ffynonellau: Cyfrif Carafannau Sipsiwn a Theithwyr, Cyfrif Carafannau Cymru Gyfan (Llywodraeth Cymru)

(a) Fe'u gelwir hefyd yn Safleoedd Rhent Cymdeithasol. Maent yn cynnwys safleoedd sy'n eiddo i Landlordiaid Cymdeithasol Cofrestredig

(b) Oherwydd pandemig y Coronafeirws, ni chynhaliwyd cyfrifiad carafannau chwemisol Llywodraeth Cymru yng Nghymru ym mis Gorffennaf 2020.

(c) Ar gyfer mis Ionawr 2021 ymlaen, defnyddiwyd data ar-lein Cyfrif Carafannau Cymru Gyfan i gynhyrchu cyfrif o garafannau Sipsiwn a Theithwyr yng Nghymru. O'r herwydd, dylid cymryd gofal wrth fynd ati i ystyried tueddiadau dros amser. Gweler yr adroddiad Ansawdd Data am ragor o wybodaeth.

Gwybodaeth am ansawdd a methodoleg

Gellir dod o hyd i wybodaeth fanwl am ansawdd data a methodoleg yn yr **adroddiad ansawdd** (<https://llyw.cymru/cyfrif-carafannau-sipsiwn-theithwyr-adroddiad-ansawdd-html>).

Manylion cyswllt

Ystadegydd: Andy O'Rourke
Llinell Ymholiadau Cyffredinol
Ffôn: 0300 025 5050
Email: ystadegau.cynhwysiant@llyw.cymru
(<mailto:ystadegau.cynhwysiant@llyw.cymru>)

Cyfryngau: 0300 025 8099

SFR 132/2022

Efallai na fydd y ddogfen hon yn hollol hygyrch.

Drllenwch ein **datganiad hygyrchedd** (<https://llyw.cymru/datganiad-hygyrchedd-llywcymru>) i gael rhagor o wybodaeth.